

# Javni poziv omladinskim organizacijama/udruženjima koja se bave mladima u BiH za učešće u stodnevnom izazovu

## 20.02.0-N2.1-10

### #100DayChallenge

**Institut za razvoj mladih KULT** (u daljnjem tekstu Institut) raspisuje Javni poziv omladinskim organizacijama/udruženjima koja se bave mladima u BiH, registriranim u skladu sa Zakonom o mladima Federacije BiH, Zakonom o omladinskom organizovanju Republike Srpske odn. Zakonom o mladima Brčko distrikta BiH, za učešće u stodnevnom izazovu razvoja lokalnih zajednica **#100DayChallenge**. Institut je jedna od vodećih nevladinih organizacija u Bosni i Hercegovini koja se prvenstveno bavi pitanjima mladih.

### ŠTA JE #100DayChallenge?

#100DayChallenge je inicijativa namijenjena timovima mladih ljudi uključenih u rad lokalnih omladinskih organizacija/udruženja koja se bave mladima u BiH, a koji ne žele biti pasivni posmatrači problema u svojim lokalnim zajednicama, već su spremni ponuditi konkretna rješenja s ciljem stvaranja boljih uslova za mlade u BiH.

Inicijativa se provodi od septembra 2020. godine do marta 2021. godine, a obuhvata:

- Kick-off seminar za odabrane timove, učesnice i učesnike inicijative, koji će se održati od 21. do 24. oktobra 2020. godine u Sarajevu. Cilj seminara je pripremiti timove za predstojeći izazov.
- #100DayChallenge ili stodnevni izazov, koji će se provoditi od 2. novembra 2020. godine do 9. februara 2021. godine u okviru kojeg će timovi praktično primijeniti stečena znanja i vještine. Institut će pružiti savjetodavnu i finansijsku podršku svim timovima u provođenju stodnevnog izazova. Ponekad ćemo ga zvati LGI, što predstavlja lokalnu građansku inicijativu.
- Edukativno putovanje za tri najbolja tima, pobjednike izazova, na kojem će timovi predstaviti svoju inicijativu i utjecaj provedenih aktivnosti na poboljšanje lokalnih zajednica. O lokaciji i vremenu održavanja putovanja izabrani učesnici će biti blagovremeno obaviješteni.

Termini navedeni u javnom pozivu nisu konačni, Institut zadržava pravo izmjene u terminima aktivnosti, o čemu će odabrani učesnici/e biti pravovremeno obaviješteni.

### TROŠKOVI?

Ako vam ovaj poziv zvuči primamljivo, ali niste sigurni ko će to sve platiti, nema potrebe za brigom! Institut za razvoj mladih KULT snosi troškove prijevoza, smještaja, hrane i materijala za sve timove.

### KOME JE NAMIJENJEN OVAJ POZIV?

Ako si mlada osoba u dobi od 18-30 godina, uključena u rad lokalne omladinske organizacije/udruženja koji se bavi mladima u BiH, svjesna i suočena sa problemima u svojoj lokalnoj zajednici, a spremna da preuzmeš stvar u svoje ruke onda je ovo prilika za tebe.

Okupi tim od 5 osoba, istražite svoju lokalnu zajednicu i zajedno se prijavite na #100DayChallenge.

Prijaviti se možete ako ispunjavate sljedeće uslove:

- tim se sastoji od 5 članova/ica,

- minimalno jedan član tima je uključen u rad lokalne omladinske organizacije/udruženja koji se bave mladima u BiH,
- svi članovi tima imaju između 18 i 30 godina,
- svi članovi tima imaju prebivalište u istoj lokalnoj zajednici u BiH,
- motivirani ste da učestvujete u #100DayChallenge-u
- imate želju doprinijeti izgradnji boljeg okruženja za djecu i mlade u vašoj lokalnoj zajednici,
- imate ideju kako to uraditi.

## KAKO SE MOGU PRIJAVITI?

Ukoliko ste zainteresirani za učešće u #100DayChallenge, ispunjavate navedene kriterije, želite dokazati da baš vaša zajednica zaslužuje promjene, a vaš tim nagradu potrebno je da pratite sljedeće korake:

1. Kreirajte video zapis u kome ćete predstaviti svoj tim, udruženje čiji ste članovi/ce i lokalnu zajednicu iz koje dolazite. Ukoliko želite, možete ukazati na probleme sa kojima se suočavaju mladi u vašoj zajednici.

(NAPOMENA: Zadatak se mora uraditi timski. Svi članovi/ce tima treba da se pojave. Video ne treba trajati duže od pet minuta.)

2. Zajednički se prijaviti se putem elektronskog obrasca na linku: <http://mladi.org/myURL/100daychallenge>, u okviru kojeg ćete dostaviti vaš video zapis i popunjene prijedloge stodnevnog izazova (LGI-ja) i budžeta. Obrasce prijedloga LGI-ja i budžeta možete preuzeti na [linku](#).

Jasan plan u stodnevnom izazovu, odnosno vašoj lokalnoj građanskoj inicijativi (LGI) uslov je za učešće u #100DayChallenge-u.

Da bi LGI ušao u razmatranje mora da ispunjava sljedeće kriterije:

- LGI se provodi na području lokalne zajednice iz koje tim dolazi, u periodu od stotinu dana, (od 2. novembra 2020. godine do 9. februara 2021. godine),
- Prijedlog LGI-ja je jasan, konkretan, s vidljivim ciljevima i ishodima.

LGI treba odgovoriti na izazove iz zajednice unutar minimalno tri navedene teme:

- Ravnopravnost spolova
- Volonterizam
- Ljudska prava
- Ekologija
- Javno zagovaranje i lobiranje
- Uključenost lokalne zajednice (predstavnici vlasti, kulturne i obrazovne institucije, omladinska udruženja, privredni sektor itd.)

Udio Instituta za provođenje lokalne građanske inicijative ne prelazi 2.000,00 KM po timu.

(NAPOMENA: Sredstva iz ovog Javnog poziva ne uključuju troškove poreza na dodanu vrijednost, PDV. Sva pravna lica koja dobiju ova sredstva mogu ostvariti pravo na povrat PDV-a preko Uprave za indirektno oporezivanje.)

Institut zadržava pravo da finansira bilo koju ili nijednu od prijavljenih lokalnih građanskih inicijativa u slučaju da nijedna od prijava ne ispunjava kriterije.

Dodatne informacije možete dobiti i putem telefona **033 778 763** ili na email [zorana.tovilovic@kultbih.org](mailto:zorana.tovilovic@kultbih.org)

Prijaviti se možete do **30. septembra 2020. godine do 23.59 sati.**